



SONDAG 19 FEBRUARIE 2023

Matteus 5:1-12

Oggenddiens om 09:00 in die kerk en aanlyn | Ds. Potgieter (2)

Familiediens om 09:00 in die kleinsaal en aanlyn | Ds. Visser (7)

Meditatiewe diens om 09:00 in die kapel en aanlyn | Ds. Dietmann

Aanddiens om 18:00 in die kerk en aanlyn | Ds. Schoombie

ASWOENSDAG | 22 FEBRUARIE

Erediens om 18:00 in die kerk

Aswoensdag is 'n gebeurtenis in die kerkjaar wat die begin van lydenstyd aandui. By dié erediens is daar geleentheid vir elkeen om die teken van die as in die vorm van 'n kruis te ontvang. Ons wil graag die hele gemeente, jonk en oud, uitnooi om die diens by te woon en op hierdie unieke wyse die lydenstyd saam met ons te begin.

Berei jouself gerus op die volgende wyses vir die Paastyd voor:

- Neem deel aan die vastydkruis tussen Aswoensdag en Opstandingsondag. Die bedoeling is dat jy in dié periode sal vas van kos, of drank, of iets wat vir jou lekker, of belangrik is, sodat die weerhouding daarvan jou aan Jesus se lyding sal herinner.
- Maak 'n rooi houtkruis en sit dit op jou voordeur of heining vas.

WÊRELDBIDDAG VIR VROUE

Dinsdag 28 Februarie 2023 om 18:30 in die kapel.

Die skrywersland vanjaar is Taiwan.

Efesiërs 1:15-23 | Ek het van julle geloof gehoor. Kom bid saam met vrouens van regoor die wêreld.

KONTAK ONS

021 976 4519

WhatsApp 081 045 2428

navrae@stellenberg.co.za

www.stellenberg.co.za

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

DEUROFFER

Noot-vir-noodfonds

Die noodlenigingsfonds word benut om individue en gesinne finansiëel te ondersteun.

IMAGINE JEUGFEES | 18 TOT 20 MAART

Die Imagine Jeugfees is terug en ons nooi jongmense en tieners tussen 13 en 18 jaar oud om aan die unieke geleentheid in Bredasdorp deel te neem. Tieners van regoor die provinsie kom byeen vir 'n naweek van aanbidding en pret. Leiers van alle ouderdomme word ook benodig. Om in te skryf, skandeer die Annibrand Senior se QR-kode op die agterblad en klik op die skakel.

BASAAR | VRYDAG 3 MAART 16:00

- Ons benodig **helpers** wat diensbeurte by kosstalletjies sal waarneem. Kontak Karen Visagie by 082 827 9389 indien jy kan help.
- **Witolifanttafel** is op soek na enige artikels wat in onbruik verval het. Gee asb. huisware, boeke, gereedskap, ens. weksdae tussen 08:00 en 14:00 by die kerkkantoor af.
- **Donasies** help ons om die koste van etes laag te hou. Kontantbydraes kan elektronies oorbetaal word met **BASAAR** as verwysing. Bestanddele soos meel, olie, eiers, kaneel, kleefwerende spuitmiddel en foelie sal waardeer word. Gee bydraes by die kerkkantoor af.
- Bring jou eie **plastiekhouders** saam na die basaar. Ons wil graag die gebruik van polistereenhouders drasties verminder en moedig lidmate aan om hulle eie houders saam te bring waarin wegneemetes verpak kan word.
- **Teetuim** sal alle skenkings van koek, kolwyntjies, muffins, terte, melk, tee en koffie baie waardeer. Kontak Christine Morsbach by 082 353 9917 indien jy kan help.

ANNIBRAND JUNIOR

Graad 1-3: Kleinsaal

Graad 4-6: Grootaal

Graad 7: Jeuglokaal

ANNIBRAND SENIOR

Kleingroepe na afloop van die aanddiens om 18:00.

VROUEBYBELSTUDIE

Die Bybelstudiegroep vir vroue kom elke Maandag om 10:00 (slegs tydens skoolkwartale) in die ou kafeteria-area byeen. 'n Biduurbyeenkoms om 09:15 in die gebedskamer langs die kapel word voor die Bybelstudie aangebied.

GELEENTHEID VIR BELYDENISAFLEGGING

Daar is op Sondag 23 April geleentheid om jou geloof tydens die aanddiens om 18:00 te bely. Die belydeniskamp is 14-16 April.

Stuur 'n e-pos aan sunet@stellenberg.co.za.

MICHANGE-KOEPONNE

Maak 'n verskil in iemand se lewe deur 'n Michange-koepon @ R50 by die kerkkantoor te koop en aan 'n hawelose persoon te skenk. Met dié koepon kan die ontvanger 'n ete, 'n warm stort, slaapplek en berading ontvang.

VATVYF-BYEENKOMS

Die volgende byeenkoms is op Woensdag 15 Maart en behels 'n interessante praatjie oor die opleiding en gebruik van gidshonde. Alle lidmate bo 60 jaar oud word uitgenooi om die VatVyf-groep se byeenkomste by te woon. Toegang is gratis, maar bespreek asb. jou plek teen 13 Maart by Charlotte, 021 976 4519.

19 April: Besoek Evita se Perron in Darling.

NUWE INTREKKERS

Ons wil graag alle nuwe lidmate wat by die gemeente aansluit, persoonlik verwelkom. Stuur asseblief 'n e-pos aan anneke@stellenberg.co.za om ons in kennis te stel dat jy by die gemeente aansluit, of voltooi die nuwe-intrekkervorm op die webwerf, of skakel die kerkkantoor by 021 976 4519.

FINANSIËLE BYDRAES


EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



ASEMSKEP- GEBEDSGROEP

Elke Dinsdagaand om 18:30 in die kapel, tydens die skoolkwartaal. Enige iemand is welkom, sluit gerus by ons aan.

STELLENBERG TERAPIESENTRUM

Die sentrum bied berading en mediasiedienste deur professionele persone aan. Spraak- en arbeidsterapeute asook 'n besigheids- en lewensafriigter se dienste is ook beskikbaar. Maak gerus 'n afspraak by 021 976 4519 (09:00 tot 13:00) of stuur 'n e-pos na therapy@stellenberg.co.za. Na-ure skakel 083 519 0602.

KLAVIERBEGELEIDING EDELWEISS

Dr.Theo Swart is op soek na iemand wat sporadies op Sondag, tydens huisdienste, die klavierbegeleiding kan behartig. Kontak hom asseblief by tswart@netactive.co.za/083 457 1647 indien jy kan help.

ELEKTRONIESE KOMMUNIKASIE OP JOU SELFOON

Skandeer enige van die QR-kodes om by die WhatsApp-groep van jou keuse aan te sluit en toegang tot gerieflike elektroniese kommunikasie te ontvang. Jy kan die bulletin, geestelike dagstukke en algemene nuus op jou selfoon ontvang deur die QR-kode met jou selfoonkamera te skandeer, klik dan op die geel skakel wat op die skerm verskyn en kies die groep, of groepe waarby jy wil aansluit.

Gemeente se
WhatsApp-groepe



Annibrand Junior
Laerskool-kategesegroepe



Jong volwassenes
en studente



Annibrand Senior
Hoërskool-kategesegroepe



EDELWEISS

BYBELSTUDIE

23 Feb. om 15:00

Psalm 84: Kerk toe
gaan is lekker?

NAGMAAL

26 Feb. 17:00 en 17:30

Johannes 6: Kry by My!

EDELWEISS

DIENSSENTRUM

Pensioenarisse word uitgenooi om as buitelede van die sentrum aan te sluit teen lidmaatskap van R70 per jaar.

Vrywilligers wat by die dienssentrum betrokke wil raak, word ook benodig. Kontak die sentrum gerus by 021 976 1150.